



Mbawgeiz Daegsaek Mbin Ciengxlwenx

特色旗帜永飘扬

——Gij Fwen Cingsenj Senhconz Dangj Raeuz Ngeihcib Daih Cingsaenz

——宣传党的二十大精神山歌精选

□ Cinz Siengzcouh / 覃祥周

Dangj Raeuz Sawjmingh Caeuq Yinvu 党的使命和任务

Cungdij canloz song yamq hwnj,
Rumzrumz fwnfwn cibhaj cieng(bi);
Gij yendaiva Cungguekyiengh(Cunghgozsi),
Nditrongh lumj giengq(gingq) ciuq baihnaj.

Hwnjyamq hai buenz dwg gvanhgen,
Aen sizcenj neix yungh haj bi;
Cidu gveihfan byaij cwngzsi,
Dingh ndi(nde) muzbyauh caeuq yinvu.

Giva saedhengz cibhaj bi,
Cij lw seiq cien roek bak ngoenz;
Doengzsim roengzrengz bae yunghgoeng,
Raeuz dingh miz ngoenz baenz dahraix.

Bouxminz leih'ik dwg gaenbonj,
Minzcu j guenleix sim hai va;
Bouxminz ginzcong doengz camgya,
Doengz yiengj doengz ca(guh) doengzcaez youq.

Gensez muzbyauh dingh ndaej cinj,
Dangj caeuq bouxminz sim doxdoengz;
Caenhguenj yinvu naek baenz boengj(doi)
Vunzlai sim hoengh dingh guhbaenz.

Mbwn caengz doek fwn sien bwh ndei,
Youq onj siengj vez(yiemj) dem ligliengh;
Rumz hung langh hung daeuj gaujniemh,
Gyoengqraeuz ciuqyiengh hwnj mbaek sang.

Ceiqheiq goetheiq gya daejheiq,
Cungguek seiqseiq mbouj fug saw;
Mingz rox gannanz youq gizlawz,
Nyengh mbouj fug saw bae vuet oen.

Mbouj saenq duzfangz mbouj saenq gvaic,
Cungguek daihdaih vunz mbei hung;
Ngoenzngoenz yunghgoeng cij vuenyungz,
Fukhwng duzlungz youq naj bongh.

Ndaguh Hwngfat Gwzgiz Moq 构建发展新格局

Sevei cujyi gunghyoujci,
Hawciengz ginghci youq baihnaj;
Diuz canjnieblien roengzrengz ca,
Gyarengz daezsang swnghcanjlwl.

Haenqrengz gaijfang swnghcanjliz,
Cuzgouj neisih lai demgya;
Doicaenh sinhhingz gunghyezva,
Ndaguh hwngfat gwzgiz moq.

Cienzmienh genhciz fazcanjgvanh,
Gaijgwz fanghyang(fuengyiengq) yaek dawz maenh;
Mbe' gvangq riuzdoeng diuzloh haenq,
Coicaenh ginghci daih cunzvanz.

Lajmbanj hwngvuengh yaek doicaenh,
Yinvu naekcaem youq lajmbanj;
Singz mbanj yungzhab daeuj fazcanj,
Nungzyez lajmbanj vat ok rengz.

Caepmaenh hwngfat gunghyoujci,
Cihciz feihgungh canjnieb hung;
Swhyenz boiqcaep daeuj diuzgung,
Saeddae j ginghci gungh hai rengz.

Sinhhingz gunghyez hawj guek hoengh,
Hangzdenh gyaudoeng caeuq vangjloz;
Cenhdonh gisuz Cungguek rox,
Youq gwnz denhhoz(dahmbwn) yungh veisingh.

Soujmaenh reihnaz cibbet ik,
Sienqhoengz cik veh gaej luenh dwngz(guh);
Vanjhaeux maenhmaenh gaem youq fwngz,
Haeuxgwn ancienz ceiq youqgaenj.

“It rangh it loh”hwnjfofo,
Caensim hozcoz bauqreng h rengj;
Gauhcanj gauhyau gauhcizlieng,
Mouyiz giengz guek yaek gyavaiq.

Gohgyau Hwng Guek Daih Canloz 科教兴国大战略

Aen lingjyiz moq raeuz haicaux,
Gohgyau hwng guek daih canloz;
Gohgyau yinzcaiz cungj ciuqgoq,
Doxbouj doxbang cij baenz saeh.

Gyauyuz gohgi caeuq yinzcaiz,
Gvendaengz vunzlai ngoenz moqnaj;
Sevei cujyi yendaiva,
Gohgi guh ga byaij ndaej gyae.

Gohgi couh dwg swnghcanjliz,
Baiz youq diyiz(daih'it) dwg yinzcaiz;
Youq lingjyiz moq yaek buet vaiq,
Baengh miz yinzcaiz cij guh baenz.

Gyauyuz giengz guek guek hoengh'oq,
Gohgi giengz guek guh cij bae;
Yinzcaiz giengz guek baengh lauxsae,
Bak bi daihgeiq baengh vunz moq.

Banh ndei gyauyuz minz hab sim,
Gyauyuz fuengcim yaek haenqguh;
Laebdaek ganqvunz dwg yinvu,
Dwz ci dij mej giengz suciz.

Gyauyuz goengbingz ceiq ndei lai,
Bouxak yinzcaiz haeuj mbanjbya;
Son vunz son saw ndei dangqmaz,
Sim hoengz lumj va dawz rap naek.

Gohgyau hwng guek aen dieg moq,
Giengz guek canloz daeuj saedhengz;
Gyauyuz gihvei cungj bingzdaengj,
Seiq yiengh aeueiq yaek genhciz.

Ndawbya miz boux Canghai Gveimeiz,
Cin daeuj doeng bae gig dwgrengz;
Ciuhvunz caemrwg guh fungyen,
Gamjdoengh vunz cien caeuq vunz fanh. (2)